

<b>Comunidade Autónoma / Departamento / Estado</b>	GALICIA
<b>Municipio</b>	XINZO DE LIMIA
<b>Edificio</b>	Igrexa de Santo Tomé de Morgade
<b>Dirección</b>	Lugar de Morgade, 24. 32636
	42.077384946276254 -7.697080704059482
<b>Protección</b>	

<b>Descricion</b>	<p>Nos inicios do século XX sobre unha edificación primixénica románica edificouse e ampliouse a igrexa de Santo Tomé de Morgade. A nova construción integrou e mantivo algunhas partes da igrexa antiga, principalmente as partes máis nobres, como serían a fachada principal e parte do lenzo norte. A súa portada remite ó mesmo esquema que a de San Pedro de Boado, igrexa da que é matriz. Con cuádruple arquivolta que vai enriquecendo a súa ornamentación dende a primeira arquivolta ata a superior. Así o arco máis interior é completamente liso, o seguinte presenta xa unha moldura en bocel, a esta añadeselle motivos xeométricos, combinación de ovas e triángulos na superior e finalmente no arco que fai liña coa fachada inclúense círculos con cruces inscritas. Hai unha tendencia ó arco apuntado. O mesmo que a mencionada igrexa de Boado, conta con un par de columnas a cada lado da porta e igualmente os capiteis remiten á mesma simboloxía, con follas de acanto e unha figura enigmática, se ben aquí o relevo é moito menos plano que naquela. A imposta dos arcos recorre toda a fachada. Esta fachada mantívose íntegra na reforma dos anos vinte ata por encima do arco, somentes se alzou o paramento, no que se abre no centro unha fiestra alongada baixo arco conopial. No centro da fachada ergueuse no ano 1927 unha torre cadrada en substitución da que se fixera en 1817 que debía ser de similar factura á conservada en Boado, que tamén se fai no mesmo momento e os pináculos que foron reaproveitados en Morgade son idénticos ós de Boado.</p> <p>A actual torre de campás é un receptáculo cadrado con catro arcos para as campás e cuberta graduada con pináculos nos extremos. Ademais da portada principal conservouse tamén parte do lenzo norte, dende a fachada principal ata pasada a sancristía. Esta parte debía contar con un cabido ou adro cuberto a xuzgar polos modillóns decorados. Ábrese unha porta lateral con arco de medio punto flexionado nos extremos, con decoración de axedrezado e tímpano no que se inscribe unha roseta de sete brazos. Posteriormente álzase o lenzo nas obras do século XX.</p> <p>En 1671 constrúese a sancristía, unha pequena estancia de perpiaño con cornixa en gola sen vanos exteriores que se conserva coa adición de outro pequeno volume.</p> <p>Entre os anos de 1919 e 1922 produciuse unha profunda remodelación da igrexa que non remataría, como se dixo, ata 1927 coa edificación do campanario. As obras foron feitas sendo abade José Fernández que as custeou, devolvéndolle progresivamente a fábrica parte do custo, se ben advirte "que las obras las hice con orden verbal del Ilustrísimo prelado, llegando a fallecer o ser trasladado, quedan condonadas". Foron dirixidas por Ángel Suárez Gándara, mestre de obras, veciño de Pena. As obras executadas foron as seguintes: levántase "desde los cimientos" a parede sur. Isto é advertible na esquina sur da fachada, onde quedaron varios perpiaños da priemira fiada da antiga fábrica e a ras do pavimento é posible segui-la línea de parede, debido a que a actual está retranqueada con respecto a aquela. Tamén se alzou o muro, abríndose fiestras e alongouse a capela maior, da cal se conserva da antiga o muro pegado á sancristía. O resto da capela maior é todo obra nova. No tramo de nave debeuse reaproveitar a cornixa do templo anterior.</p>
<b>Campás</b>	2 campás.
<b>Fotos</b>	2
<b>Toques actuais de campás</b>	
<b>Conservación, mantemento</b>	
<b>Propostas</b>	

<b>Autors da documentación</b>	www.altalimia.org
<b>Data</b>	17-05-2026

## Campás actuais

Localización	Campá	Fundidor	Ano de fundición	Diámetro (en cm)	Peso
Espadana	<a href="#">Corazón de Jesús</a>	<a href="#">DE LINARES ORTIZ, CONSTANTINO (CARABANCHEL BAJO)</a>	1926	50	72
Espadana	<a href="#">Maior.</a>	<a href="#">RUIZ, JUAN ANTONIO</a>	1876	60	125

Información completa: [Igrexa de Santo Tomé de Morgade - XINZO DE LIMIA \(GALICIA\)](#)

PDF (23-06-2026)